

朝野類要五卷宗趙昇撰載四庫全書目錄今所傳聚珍本為閩本
鮑氏知不足齋所自出而祁氏餘苑本世不多見頃得弘治改元嗣孫
學重刻湖城義學本要在祁刻之前尤足寶貴以較鮑氏校刻
本堪以正訛者四十一補闕五十八字衍文誤倒合十有五處其行款亦絕
然不同每類標題依四格條目字項格各條依一格朝廷聖旨天子
御勅恩上等字皆空一格或提行鮑刻畧文昌趙升尙辰撰此
題又昌趙昇編集又多一後跋藏書各家罕見著錄誠佳刻
也校讀一遍為之鼓掌稱快丁巳夏五相鄉徐鈞謹跋

此書曾為天一閣所藏載阮刻書目已未
秋由黃景韓君館分尋于滬法廣災之法



朝野類要序
僕自初入



京都觀其

公朝儀刑政事名理及聞夫搢紳間衆所稱謂皆蒙
然無可知識求之於書甚為簡略或無載紀後歷聞
諸師友老先生指誨歲月寢久雖曰強記終不如弱
文遂寄之毫楮姑目曰朝野類要逮今歲自九江歸
舍而舊所純述間為鼠蠹之餘棄之可惜又以好事
者來需第須別錄既病且懶遂移書札之實增而錄
之于本不獨有以應鼎亦足以廣四方之見聞惟其
官禁內職不獲紀錄非曰缺文實不敢也觀者當察
焉

端平丙申重九文昌趙升尙辰識于雙桂書院

朝野類要目錄

卷第一

班朝

典禮

故事

卷第二

稱謂

舉業

醫卜

卷第三

入仕

差除

陞轉

爵祿

職任

卷第四

法令

文書

政事

雜制

帥幕

卷第五

降免

退閑

憂難

餘紀

朝野類要卷第一



文昌趙升集錄

班朝

御殿

本朝殿名最多如常朝則文德殿五日一次起居則垂拱殿遇忌前假及祠祀日分則御後殿正旦冬至及

聖節稱

賀大禮奏請致齋則皆大慶殿

賀祥

瑞騰捷上

壽賜宴則紫宸殿宴對蕃使則崇德

長春殿試進士則崇政殿若賜宴則集英殿郊祀

稱賀則端誠殿諸班直推搯子則射殿之類又

有內殿如萬歲復古迹英葉珠凝華福寧春思殿

今上皇帝建北宮後宮之殿不一也

朝儀

趨朝之儀如出入不由端禮門不端簡朝堂行私禮交互幕也語笑誼譁殿門內聚談行立失序立班交語相揖無故離位拜舞不如儀穿班仗出之類皆謂失儀即閤門彈奏有責

常朝

今之所謂常朝蓋正殿也又名垂拱殿大凡殿名遇禮列合御某殿則臨期設牌常朝則自九月中旬旬至來年五月中旬

後殿

常朝值雨或有事故則改後殿

六參

又名望參謂一五日之常參也在京大小職事及

不整務官趨赴望參不得連三次請假

鞞對

自侍從以下五日輪一員上殿謂之輪當面對則必入時政或利便劄子若臺諫則謂之有本職公事若三衙大帥謂之執杖子奏事

內引

內殿引見則可以少延時刻亦或賜坐亦或免穿執也

待漏

宮內之前待漏院所以俟候宮門開及閤門呼報排班則穿執而入也又名待班閤子

正謝

凡宰執侍從等差除命下之日即時赴新局當特

便回却上辭免表奏之後朝命不允而已受方始
正行朝謝

舞蹈

謂舞蹈有七拜大起居

裹見

有罪之人朝見如與免把見則仍舊穿執謂之裹
見唯加武士簇擁也

把見

軍頭引見司等子駢擁
有罪之人朝見也向來紹
興末年四川宣撫司管押到招捉北界偽知歸州
元顏守能知商州折可直嘗如此蓋唐以來朝見
之儀有五此其一也今大禮赦及盛暑引見亦用軍頭司擁見

典禮

郊祀大禮

京城之外大祭祀皆謂之郊祀如三歲南郊圓丘
大禮如昔時北郊祀后土皇地祇 明堂則就內
中謂之明堂大禮

五使

凡大典禮皆有之如郊祀明堂則有大禮使禮儀
使儀仗使鹵簿使橋道頓遞使之類山陵亦有總
護按行覆按修奉橋道頓遞使之類又有修奉都
護皆大臣帥座為之

鼓吹

禮寺之太常樂也

警場

大禮等辦嚴也皆用上軍及街仗司為之

宿衛使

駕出合經宿皆有宿衛使向來 駕詣慈福宮等
亦有之昔日 親征則有御營宿衛使

習儀

凡有大典禮皆預先習儀如郊祀大禮習五輅肆
赦如 聖節習上壽儀及臨安府教樂之類

冊寶

奉上 尊号冊寶亦有奉上冊寶使用太常儀仗
鼓吹也凡玉冊則金寶所謂冊者條玉為之紅線
相懸可以卷舒字皆金填之或謂玉以階石代之
所謂寶者印章也並文思院供造

親饗

車駕朝饗 太廟也其典禮類郊祀

朝獻

四孟之月駕詣 景靈宮也白 神廟朝建此如
在恤制內則權止

分獻

凡三歲大禮有大臣亞獻終獻之外眾天神則在
壇下分獻其餘神則差官往各處行禮

奏告

凡有典禮及祥瑞祈禱皆差官奏告天地宗廟社
稷五岳四海等處

致齋

行祀事之官預先於本局致齋謂不治事以謹潔
其身也

受誓戒

三歲大禮干預行事官皆質明赴尚書省受誓戒然後致齋

恭謝

大典禮之後 車駕詣 景靈太乙兩宮行恭謝之禮

分詣

四孟朝獻如遇雨及有故或第二日值雨皆命宰執分詣 諸殿行事

幸學

車駕幸太學則有恩例蓋古之養老尊賢之故事

釋奠

二月上丁日奠孔子也凡學官并察官太常禮官郎官皆赴太學大成殿同講生行禮亦分為初中

終三奠用太常樂八月同

降香

凡祈禱晴雨皆降 御香乃 內侍省掌其事差快行賚送重則差內侍共奉官

避殿損膳

昔時水旱祈禱未應并天變星象邊鄙未寧則聖上有避正殿減常膳之謙禮

輟朝

凡大臣等薨皆有禮例持輟視朝三日或五日

故事

八寶

自秦得和氏之璧以為傳國玉璽其文曰受天明命既壽永昌後子嬰捧以降高祖於軹道者是也

在漢則符璽令掌之增為六璽至晉惠帝北征亡
夫六璽石季龍得之遂改其文曰天命石氏追唐
亦有符寶而五代唐末帝遭亂携以自焚故郭
周重造八寶而以天下傳本朝謂受命之寶鎮國
神寶天子之寶皇帝之寶天子行寶皇帝御寶天
子信寶皇帝信寶且各有所用如受命之寶惟封
禪用之其他各朝增置殿寶不在此數

大朝會

本朝禮制有元日大朝會如古之諸侯述職也凡
監司帥守悉赴正旦大宴鄉貢進士亦預焉諸
道之進奏官亦預焉蓋進奏官乃唐之藩鎮質子
留司

京都承發文字如今之機宜故謂之侯郎

鎖院

凡言鎖院者機密之謂也故試士撰麻皆如此也
試士則所差官預先入院議題有司排辦撰麻則
全番或半番快行節次往學士宅第傳宣俟傳宣
快行來足學士上馬朝服脩帽隨簇入院造報頭
然若別有直宿學士或直院則出避之當夜依
宣撰述如不可行者繳奏之謂之封還詞頭若可
行則撰畢進呈閔報閔門宣詞令舍人吟詞調
鎖宿人且當晚御史臺閤門報明日宣麻則文武
百寮赴文德殿聽之如不可行則又有執政不
押麻之例即臺諫得以執奏矣除拜大臣則上旬
后妃中旬餘官下旬俗謂下旬剥麻非也或偶置
之耳

迎駕

車駕出幸經由在京去處凡百司局務官吏僧道
在百步之內並迎

駕往回起居若免拜則祇奏

聖躬萬福山呼若免起居則不排設練亭香案也

駕頭

孔毅父談苑云 駕頭者 祖宗即位時所坐也

皇朝頰苑曰謂之正衙法座香木為之加金飭四

足墮其角其前小偃織藤冒之 駕頭至則宣贊

唱引迎駕者起居也又沈存中筆談謂是中貴官

捧月樣杓子於馬上今係閭門宣贊舍人

躬請

車駕每春天或節序躬請

宮遊幸回則從 駕官多是戎裝而用 御馬

院動樂令

主上寶慶間躬請

恭聖仁烈太后 宮中宴賞是也戎服謂帶若武

臣則武馬院教習營所掌以 聖上所乘之馬

所謂武馬院教習營所掌以 聖上所乘之馬

教坊

自漢有胡樂琵琶箏篳之後中國雜用戎夷之聲

六朝則又甚焉唐時併屬太常掌之明皇遂別置

為教坊其女樂則為梨園弟子也自有教坊記所

載本朝增為東西兩教坊又別有化成殿鈞容班

中興以來亦有之紹興末臺臣三十服上章省

罷之後有名伶達伎皆留充 德壽宮使臣自餘

多隸臨安府衙前樂今雖有教坊之名隸屬修內司教樂所然遇大宴等每差衙前樂權充之不足則又和舊市人近年衙前樂已無教坊舊人多是市井岐路之輩欲責其知音曉樂恐難必也

等子
軍頭引見司等子舊是諸州解發強勇之人經由遞傳至京師今則只取殿前舊司捧日等指揮人兵揀為之故今之等子年勞授諸州排軍受事人負之職出職之日舊皆詣都進奏院行謝蓋奏院轄遞鋪故也等子之上謂之忠佐軍頭皆由百司人兵親兵及隨龍人年勞陞為之或幕士帶之

金雞

大禮畢車駕登樓有司於麗正門下肆赦即立

金雞竿盤令兵士搶之在京係左右軍百戲人今乃瓦市百戲人為之蓋天文有天雞星明則主人間有赦恩

聞喜宴

在京則賜及第進士宴於瓊林苑中興以後就於貢院

曲宴

有旨內苑留臣下賜宴謂之曲宴與大宴不同之義也

聖節

國朝故事帝后生辰皆有聖節名後免之只名生辰惟帝立節名蓋自唐明皇千秋節始也進香

北宮 聖節及生辰必前十日 車駕詣 殿進

香

滿散者終徹也每遇

聖節生辰宰執赴明慶寺預前開啓祝壽道場至期滿散畢賜宴

曝書

每歲七月七日秘書省作曝書會係臨安府排辦應館閣并帶貼職官皆赴宴惟大禮年分及有事則免

聖祖

真宗皇帝尊九天司命天尊為 聖祖天尊大帝蓋倣唐尊老君故事也其詳載于國史又秘書有

聖祖天尊大帝降臨記

諸節

自唐以二月一日為中和節 國朝因之以正月

三日為天慶節景德五年 天書降 四日為開基節開

德七年正月四日 四月一日為天祺節大中祥符

天書降六月六日為天貺節大中祥符

月一日為先天節後唐天祐元年七月

十四日為降聖節大中祥符五年十月二

宰行刑著為令甲

天慶觀

諸州皆置建之所以奉 聖祖天尊大帝

報恩光孝寺觀

高宗皇帝中興以來令諸州軍各建置報恩光孝

寺觀一所追崇

佐陵香火

土貢

諸州歲貢土產之物也即夏禹任土作貢之義

宣賜

俗謂經由閣門有司出給關照之物為明宣賜不經由有司特旨賜之則曰暗宣賜

擊門

宰相動止謂陰有爆製神衛之所以秦中歲時記言宰相儀仗有類牛頭形者即是也今之掌執出入其金吾先以物敲擊門臺謂報警爆製神也

免坐錢

國朝向有除授遙郡某州刺史則亦有勅命下本

州照應其州遇細銜公文則亦列其銜於後若本官他日經由本州則其知州合避廳遜坐本義刺史即是正官也舊有除節度使者經由本鎮不欲入坐而本鎮迎送之外又有禮物俗名免坐錢今廢之

收諸侯權

唐以來藩鎮皆有質子留京都而

藝祖去襲封制知通資任以限之其餘節制兵權之類則中興制度也

羈縻

荆廣川峽溪洞諸蠻及部落蕃夷受本朝官封而時有進貢者本朝悉制為羈縻州蓋如漢唐置都護之類也如今之安南國王每遇大禮則加封功

臣字號而每歲差官押曆日賜之是也

接送伴
蕃使入朝差官待之來程有接伴使副回程則為送伴

館伴

蕃使入 國門則差館伴使副同在驛趨朝見辭遊宴

伴射

殿前馬步三司輪差借觀察承宣之官眾衛四相之職以伴蕃使射射於玉津御園勝則有金帶陞轉官資之賞

私覲

俗謂之打憚蓋三節人從各以物貨互易也

會食

上庠有會食之禮諸百司亦有之凡同官輪日為之唯陪蔬果盤飮之費

上馬

百司出局人從先報上馬者蓋舊禮只是乘騎自中興以來始乘肩輿也今從 駕亦乘騎尔

題名

進士及第各集鄉人於佛寺作題名鄉會此起於唐之慈恩寺塔也若官司州縣廳事各立題名牌者蓋備遺亡尔

春宴

中興以來承平日久慶元間京兆趙師異奏請從故事排辦春宴即唐曲江之遺意也即於行都西

湖用舟船妓弟自寒食前排日宴會先宴使相兩
府親王次即南班郡王嗣秀嗣榮王楊開府兩李
太尉次請六曹尚書侍郎統兵官次宴節度承宣
觀察使南班及都承知閣御帶環衛官次都司密
屬官次宴卿監次宴六曹郎中郎官並是京尹館
伴後京尹李澄遵故事奏請如前供辦後開禧以
後兵興及追擾百色行鋪害及於民此宴不復舉
矣

朝野類要卷第一

朝野類要卷第二

文昌趙升集錄

稱謂

行在

天子駐蹕之所在也古不謂之自秦漢方有此稱
本朝百司初稱隨 駕某司自 真廟後皆稱行
在唯三省學士院臺諫內侍省之類不云行在蓋
天子之司及常侍之謂也

雜壓

以官職混序進迁之列以定品秩高下序其列位

五府

兩叅政三樞密

兩府

樞密并真太尉

八位

此蓋舊制左右僕射尚書左右丞中書侍郎門下侍郎之類

三省

中書省門下省尚書省也中書擬定門下進畫尚書奉行紹興十五年中書門下併而為一俱謂之制勅院

兩省

給舍并左右史也東省繳章西省掌詞頭記注

兩制

翰林學士官謂之內制掌王言大制誥詔令赦文之類中書舍人謂之外制亦掌王言凡誥詞之類

史官

起居郎起居舍人謂之左右史掌記注日生機政又實錄院日曆所會要所皆編修 國朝史文

侍從

翰林學士給事中六尚書入寺下也又中書舍人左右史以次謂之小侍從又在外帶諸閣學士待制者謂之在外侍從

六院

登聞檢院登聞鼓院官告院都進奏院諸軍司糧料院兩審計司皆儲材擢用之地凡作縣有聲等官多除此

四轄

提轄左藏庫文思院樞密務雜司場謂之四轄亦

為儲材之地

貼職

宰執資格者帶觀文資政端明學士侍從資格者帶諸閣學士及以次侍從帶待制卿監資格者帶修撰直閣及京官直祕閣武臣帶閣門宣贊舍人之類

機政

宰執職事之謂

朝典

國之大法

親民

理治百姓監鎮知寨亦然

長貳

正官與副官之揔名

幕職

僉判司理司法司戶錄參節推察推節判察判之類幕者本以主帥出塞後權安營立帳而得此名如衛青並府是也

上馬官

教授至聽前上下馬故也

寄居官

又名私居官不以客居及本貫土著皆謂之私居寄居其義蓋有官者本朝廷仕宦也

判府

宰相三公三少真王出鎮方謂之判其餘乃過呼縣令

未改京朝官宰縣也

知丞

已改京朝官也未改則帶權字只謂之縣丞

軍使

在縣之上軍監之下

舉主

依條制科格以薦名於朝廷者內有職司常負

之分

元老

國之老舊名臣也

宿儒

久有名望之士也

賢路

清要儲材陞擢之所也

言路

臺諫給舍也

搢紳

仕宦之稱本指其笏帶之類也

儲材

拔擢於此職以待進用也

清要

職慢位顯謂之清職緊位顯謂之要兼此二者謂之清要

冷官

凡緩慢優閑之職是也因杜子美詩云廣文先生官獨冷後人遂專以冷官

麓官

武臣及軍官之自謙或以為譏

開口官

舊制及第人帶左字餘皆帶右字以左字像開口也今並不帶左右字

院體

唐以來翰林院諸色皆有後遂効之即學官樣之謂也如京師有書畫局醫官局天文局御書院之類是也即今畫家稱十三科亦是京師翰林子局如德壽宮置省智堂故有李從訓之徒

世賞

書曰賞延于世即今之奏蔭之類

選調

承直郎以下迪功郎以上文資也又謂之選海以其難出常調也

未出官

謂文學助教將仕通仕登仕下班資法之類

十三階

右武以上至刺史為止法

舉業

治經

春秋兼三傳易書詩二禮各以一經仍各兼語孟謂之小經若詩賦八舊亦曾兼一經今免

武舉

分二等蓋絕倫者挽二石以上斗力平等者挽九斗以上可也至日步射酌箭馬三背共五箭為

頭場

三場

第一場本經義三道小經義各一道計五道若詩賦人八韻賦一道省題詩一首第二場論一道第三場策三道仍各有格式條限若武舉則以弓馬為第一場其次七書義五道其策三道

州縣學

即古者國有庠邨有校之義本朝宰相王安石增制應補之法試考陞賞與貢舉不加干慶元以來又增闢齋名以廣武舉之士蓋後臣寮請也

薦試

補試中者再於長官薦前試一次治經人作語孟義辭賦人作省題詩優者行食其有任子銓試過

赴吏部薦試經義破題或有詩亦謂之薦試供課

州縣學生分旬習試三場各給冊子供呈上庠亦然

堂試

州學考試考分將來由此陞補

陞補

堂試累中人推賞至於陞入上庠

補試

州縣學春秋兩放補試白身人本經中者注籍

混補

天下士人不限有無學籍皆得赴試本經一場中者入上庠

大補

選試舊舉待補及州縣學等級該恩士人陞上庠也

待補

三場內只第一場合格及補試內只大經合格蓋恐黜下之可惜故以此勉其學者唯武舉只弓馬合格者待補謂之一事中

私試

每月試一場九滿季計三場謂五月本經仲月論季月策並鎖試于前邸以學官主文考校唯公試之月免

公試

每歲春二三月之交公試兩日三場謂第二日論

各一道並差外官於貢院主文以學官干預考校

內舍

入上庠宗學者皆外舍生若校定滿年行食分次之人如公試中等即依列陞補內舍與公試同出自後方得為長誦若內舍私試連三次不中者降為外舍

上舍

內舍校定分數人兩年一次試陞上舍凡九月內鎖院三場以優等平等取人其法嚴於省解也中者自後不復赴公私試只赴上舍試以攬釋褐如入學六年得為釋褐者謂之走馬上舍

釋褐

上舍試中優等者釋褐以分數，者為狀元其名望重於科舉狀元

神童

十歲以下能背誦挑試一經或兩小經則可以或補州縣小學生若能通五經以上則可以州官薦入於朝廷而必送中書省覆試中則可免解

覆試

童子舉及應制科人先進呈論策卷子如稱

旨必送中書省覆試內童子赴都堂於宰執前同中書省官挑試

量試

州縣學略而小試其才也

請舉

赴解試之謂也古者舉賢之制

保頭

舉人三舉終場者得為解試保頭

解試

依額取人薦名於朝廷謂之鄉貢若後來無學籍者經營請舉則必費力如曾赴混補則猶庶幾於科舉也此係本州及第出身官主文考校其武舉只就殿步帥前試弓馬中者然後赴鎖院七書義并策蓋武舉者保官徑奏名引試也

漕試

轉運司承集本路見任官牒送到隨侍子弟及五服內親如州府解試法但漕司負額頗寬容也係選差本路官主文考校

附試

因事在他鄉而未能歸本貫者皆就轉運司附試
只是取人太少却易為文才

免解

在學及格或遇特恩

比試

武舉士人先試經義一次然後赴解試

省試

除四川外諸州及漕司解士就禮部貢院鎖試名
曰省試

免省

上舍試取中在省試前即免省赴殿

還省

前舉已中解試人因丁憂事故之人於今舉還試
類試

四川州軍解士只就安撫制置司類省試畢徑赴
殿試

殿試

本朝例就崇政殿鎖試考試策一道畢日唱名

還殿

前舉已中省試人因事故未赴殿者今舉還試

免殿試

往年遇

主上即位以後第一次謂之龍飛榜又嘗因諒陰
皆曾免試祇詣唱名

唱名

謂之臚傳

聖上御殿宣唱第一人第二人第三人為一班其餘逐甲各為一班

恩科

年高而到省多次特奏名其魁亦賜同出身而次甲則得文學之名俟赦文內於銓試或於銓注即授權尉之類亦有雖年及而未願就恩科亦從便仍舊赴省

三元

解試省試並為魁者謂之雙元若又為殿魁者謂之三三元然多是免殿故也蓋殿試以策取人難得必魁治經義人也

黃甲

正奏名五甲也吏部謂之黃甲闕榜第五甲舊多貴顯故或稱為相甲

探花

選年最少者二人於賜聞喜宴日先到瓊林苑折花迎狀元吟詩此唐制久廢今人亦謂第二名為探花者非也

擔榜

戲謂第五甲末名為擔榜狀元

宏辭

自唐以來有之本朝之制尤嚴上自秘書下及俗文無不博覽蓋所學他日翰苑並掌雜著也銷試隨貢舉之歲三場第一場麻制表詞第二場銘讚記序雜文第三場議論並以文字合格中選取人

無額也

賢良

即漢舉賢良之制也本朝尤嚴紹興間嘗令背記九經注疏而學者遂少後臣寮請免之止令記大義鎖試之日三時六論如五題合格即中選

銓試

奏蔭出身人各占經題赴春銓試中選即叅部若
是登仕郎以下即換選人文資也黃甲年分則第
五甲人就附試之

拍試

武臣奏補人銓試弓馬者謂之拍試并挑試律文

刑法試

奏補人願試刑法者兼治兩小經如中選即入大

理評事或提刑司檢法官次第可至刑部尚書

教官試

及第出身次甲人合試教官者依次試本經詩賦
中選即注諸州教授

召試

及第出身次甲人已歷任者召試館職中選即為
祕省官若武舉人召試問職則為舍人所試文字
尤精細於掌制

試換

武臣願換文資者如銓試之制若奏蔭人并武舉
及第官願再試出身者從便應解試赴省唯年勞
補授及雜出身人不許換也

醫卜

醫學

如太武學設齋仍如舉人入試程文於判局下又有教授

判局

判太史局即自繫壺靈臺郎五官正及大夫通迂充判局判太醫局自齋舍職事通迂充判局

國醫

此名醫中選差充診 御脉內宿祇應此是翰林金紫醫官

試補

星學則於本局試筭造大曆測驗乾象醫學則赴禮部貢院三場選試於難經素問脉經本草仲景傷寒論聖惠方病源此七經內出題第一場則墨

義三道脉義二道第二場大義三道假令論方義

一道第三場假令法二道運氣一道比之士人止不赴殿試其舉業亦為科場

局生醫生

如前試補中則曰局生學生入學以第試補迂改職事如產序例

出官

醫學出官則補醫職注授京寺監修合官辨驗官及諸州軍駐泊醫官

朝野類要卷第二

朝野類要卷第三

文昌趙升集錄

入仕

及第

文武舉正特奏名皆為及第出身

奏補

文武臣入仕及格即依本身官照格法遇大禮奏
陰弟姪子孫若侍從以上許降資授異姓如官雖
及而考不及則身後恩澤

捧香

后妃親屬該 恩得官者謂之捧香恩例

西官

親王南班之婿第曰西官即所謂郡馬也俗謂裙

帶頭官

軍班
內外諸軍兵并班直軍頭司等人年勞或有功得官皆是

年勞

內外百司吏職及諸州監司吏人皆有年勞補官法俗謂出職是也免銓試徑注差遣

雜出身

非及第奏補年勞之類者謂之雜出身

保引

內外百司差遣皆以恩例保引親屬係藉待試或

道納

趙補非比州縣泛常差補也

有因納粟賑糶及助邊者有只納財得不理選限文資者俗謂之買官此不可以就試出身也

封贈

生曰封死曰贈自有格法典例外有年及百歲即加封一資而致仕也

歸附等

歸正謂元係本朝州軍人因陷蕃後來歸本朝歸順謂元係西南蕃蠻溪峒頭首等納土歸順依舊在溪峒主管職事歸明謂元係西南蕃蠻溪峒人納土出來本朝補官或給田養濟歸朝謂元係燕山府等路州軍人歸本朝者忠義人謂元係諸軍人見在本朝界內或在蕃地心懷忠義一時立功者

脚色

初入仕必具鄉貫戶頭三代名銜家口年齒出身
履歷若注授轉官則又加舉主有無過犯崇觀間
即云不係元祐黨籍紹興間即云不係蔡京童貫
朱勳王黼等親屬召保官結罪慶元間又加即不
是偽學近漸次除去

差除

中旨

自禁中降下

御筆或直旨付有司施行

參堂

京朝官不於部授即于廟堂陶鑄差遣謂之參堂
又曰于堂亦有堂闕或差選者

召

欲見宰執者具名刺門狀計會本府書司直省官
謂之下呼召候呼召即隨引參見

堂除

都堂奏差者也武臣即經密院專差負闕則曰樞
密院劄子或樞密院奏云云

參選

吏部四選尚書左選掌承務以上右選掌武翼郎
以上侍郎左選掌迪功郎以上右選掌承信郎校
尉以上兵部掌下班祗應進義進勇副尉等刑部
掌進武副尉所謂參部注授也

擬差

四選兵部奏擬差遣

殘闕

年老免詮試人或雜出身等人即注殘闕零負闕
差遣

辟差

帥撫監司郡守或奉選使堪倚用之人具名指闕
奏差

定差

四川州縣只就各路轉運司為銓選參注差遣每
孟月出榜仲月參注季月申發請朝廷給降付身
文字內亦有通判負闕者若因事到闕亦許歸吏
部或叅堂陶鑄者其二廣亦間有之

差攝

帥撫監司州郡選有官或待闕人攝職謂之權局

本官自謂之被擢是也若白身人借攝文學助教
將仕郎副承信之類謂之白帖在法有禁

旌擢

謂賞有功績者特陞差職也

起復

已解官持服而朝廷特再擢用者名曰起復繫此
二字或已年及致仕或在降責中朝廷再擢用之
謂也

陞轉

改官

承直郎以下選人在任頃俟得本路帥撫監司郡
守舉主保奏堪與改官狀五帑即趨赴春班改官
謝恩則換承務郎以上官奉謂之京官方有顯達

其舉主各有格法限負故求改官奏狀最為難得如得則稱門生

減年

磨勘轉官有四考或五考者該恩減其年數則給公據異日揆數收使

寄理

當轉官而官序之名犯家諱者權止且帶寄理二字他年併轉

雙轉

有軍功人自武翼郎以上每轉一官即雙轉兩官若及第出身人不轉奉直中散亦乃雙轉也

特轉

謂非循常法陞轉而特有 旨揮賞轉者

超轉

有功或及第人特越次第徑轉之類

止法

謂如文臣轉中大夫直候職及侍從格方許轉太中大夫若執政轉至金紫光祿大夫直候拜相方許轉行特進又如武臣轉至武功大夫若有軍功方許轉行右武餘人以三官比轉一官又如捧香只轉至訓武郎年勞只轉至承直郎之類

回授

合轉官而礙正法者許回授與弟姪子孫入仕或轉行

比換

內外百司吏職未該年勞而願比換者依格改換

官資注擬差遣

兩易

俗謂對移也或因避嫌或以得罪被劾而罰輕者皆兩易其任或事妨者亦然

賜出身

元非科舉入仕而特蒙大用或賜同進士出身方可執政蓋 國朝法也

爵祿

食邑

官序及格合封諸縣開國男以上者隨有食邑戶數蓋比古之小大諸侯得國也若又及格則有食實封幾百戶舊制每實封一戶隨月俸給二十五文其加封則自有格法

三

外任小大官屬合得職田者月俸之外本州給還米斛凡到任一年分並四月以前理上者該給

茶湯錢

為兼職而給也

賜借緋紫

本朝之制文臣自入仕著綠滿二十年換賜緋銀魚袋又滿二十年換賜紫金魚袋又有雖未及年而推恩特賜者又有未及而所任職不宜緋綠而借紫借緋者即無魚袋也若三公三少則玉帶金魚矣惟東宮魚亦玉為之

伎術官服色

醫官并太史官謂之文官頭武官尾蓋初入仕著

綠及格則換紫并紅鞋帶又及和安春官大夫則或特轉之類而醫官有特賜金帶者

兩鎮

謂封兩處節度使

兩國

謂封兩國王及夫人

襲封

謂世代授此官也如兩嗣王主奉漢秀祭祀如孔子之後世封衍聖公如周世宗之後柴氏世封崇義公蓋二王後之故事也

恩異

如詔書及贊拜皆不名如有輿入朝並賜元老大臣

職任

百司

上自三省下及倉場庫務皆為百司或謂之有司又謂之京局

內諸司

自內侍省以下在禁中置局并應屬內司子局者皆是也

左右廂

廂官之名取廊廡間分職佐治之義今之城南北廂比通判資序蓋比擬開封府左右四廂舊制也若在城兵馬都監則又廊廡管押之義也故無刑禁

外臺

安撫轉運提刑提舉實分御史之權亦似漢綉衣之義而代天子巡狩也故曰外臺

駐劄

松江都統諸路總管路鈐等及京畿東南將副之類皆曰某州駐劄者蓋本朝兵制所以示此乃天子之軍也

牌印

印司掌銅木朱記以牌詣本官請關印用印畢封匣覆納之凡牌入則印出印入則牌出蓋立法防嚴之意也

公叅

小官赴任詣長貳公叅訖衙前聽候三日方敢退歸本職今制遂禁廷拜

成資

滿任也

舉留

見任官政績而吏民願得再任者須本處進士同耆老以下列狀經監司舉留次詣上司申乞

不釐務

添差之官則不理政事也若許干預則曰仍釐務

朝野類要卷第三

朝野類要卷第四

文昌趙升集錄

法令

一司

在京內外百司及在外諸帥撫監司財賦兵馬去處皆有一司條法如安撫司法許便宜施行之類是也

海行

勅令格式謂之海行蓋天下可行之義也

續降

法所不載或異同不可利便者自修法之後每有續降指揮則刑部編錄成冊春秋二仲頒降內外遵守一面行用若果可行則將來修法日增文改

創也

進擬

刑部定法斷獄奏

一也

審覆

大理寺定刑行下所屬州郡斷獄也

勅杖

謂降旨而杖之也

罰直

內外百司吏屬有公罪之輕者皆罰直入官每一
直即二百文足如贖銅之例

文書

詔書

翰林學士院四六句行文而為典故大事者也

制書

但是 聖旨文字皆為制書

手詔

或非常典或示篤意及不用四六句者也

御札

又嚴於詔書

德音

泛降而寬恤也

曲赦

特降比赦頗輕乃專為一事一處有兵灾罪眚之
類

赦書

常制恕刑之命也

翻黃

監司州郡備錄赦文而行下所部也自慶元末諸
縣亦降黃赦蓋從臣乞請也

批荅

執政以上有章奏請則降批荅以下則降詔

宣帖

唯軍校受宣理為恩例陞補

白麻

文武百官總宣讀者乃黃麻帝所書制可也若自

內降而不宣者白麻帝也故曰白麻唐元和初立

命將日制書並用白麻不用印

詔報

學士院關報朝省之稱

書黃

凡事合經給事中書讀并中書舍人書行者書畢

即備錄錄黃過尚書省給劄施行如不可行即不

書而執奏謂之繳駁故俗諺曰不到中書不是官

省劄

自尚書省施行事以由拳山所造帑書押給降下

百司監司州軍去處是也

部符

六部行符即省劄之義其末必曰符到奉行

勅牒

凡知縣以上并進士乃第出身并被旨揮差充

試官或奉使接送館伴及僧道被旨住持并廟

額並給勅牒

官帖子

上司尋常追呼下司吏屬只以片帑書所呼叫因依差走吏勾集

奏劄

又謂之殿劄蓋上殿奏對所入文字也凡知州以上見辭皆有此

旦表

在外帥守監司每月上一起呂表所以代朝參也各預先發上都進奏院臨期經閣門批進

謝表

帥守監司初到任并陞除或有宣賜皆上四六句謝表

賀表

帥守監司遇有典禮及祥瑞皆上四六句賀表唯冬至歲節不用四六句自有定式

起居表

鄉來在恤制內遇冬至故改之名為起居其他合用賀表亦如之

慰表

鄉來恤制皆上表稱慰

百官表

百官詣殿拜表皆宰相為班首繫銜總之云文武百寮須云丞相臣某等係禮部郎官行詞

奏牋

若上后妃東宮則名之曰牋

功德疏

聖節則帥守監司各上賀表并道釋功德疏及進銀奏皆四六句經通進司接進

萬言書

上進 天子之書也告上公侯則名之曰長書

進狀

經檢院者圓寶封奏機密軍期事朝政闕失利害及公私利濟并軍國重事若經鼓院者疊角寶封陳乞奏薦再任已得指揮恩澤除落過名論許抑屈事本處不公及沉匿等事在京官員不法等事兩院狀封皆長八大寸

堂劄

上宰執之公劄也

白劄子

上利便之書也與不顯名之義同

邊報

沿邊州郡列日具幹事人探報平安事宜實封申

尚書省樞密院

奏案

州郡或提刑司勘成大辟及合奏獄案也得回降則斷之若姦穢則只申省

帥劄

平時四川安撫制置司亦出給劄子蓋其重權兼主銓量差注類試事也其他安撫制置司便宜者亦出給劄子

朝報

日生事宜也每日門下後省編定請給事判報方

行下都進奏院報行天下其有所謂內探省探衙探之類皆衷私小報率有漏泄之禁故隱而號之曰新聞

政事

巡按

監司按四季巡視所部州縣者古因漢高帝遊雲夢之後漸廢巡狩述職之制故遣奉使以代之

銓量

審驗人材也如四川新任守倅去朝廷皆免朝辭只赴安撫制置司銓量訖之任

便民五事

監司郡守到任半年各具便民五事奏上

臧否

監司歲具所部官美惡奏上請之臧否奏若其負功過俱無者不具

雜制

禁謁

百司門首謁禁者不許接客也若大理寺官則又加禁謁及亦不許出謁也

式假

除父母喪解官及承祖父母重服之外餘親之喪只給式假

白堂

公事取覆 宰執也

稟臺

公事取覆 御史也

過堂

尚書省密院屬官於入局日分持所議事上都堂稟白宰執而施行之

家諱

授職任而犯三代名諱者許避之如開禧初張嗣古除起居郎以犯諱辭免曾改名侍立修注官其餘若二名偏犯即不避亦具辭免之

奉朝請

在京宮觀仍奉朝請者依舊赴赴六參以

堂謝

授官職朝謝畢謝宰執

待罪

具奏自劾也又宰執奏陳自謙之曰臣待罪政府

或帥府獲逆寇恐難於上請先誅而後申奏待罪乃待其朝廷責其專擅之罪諸州軍被火亦然

違年 過期不赴任也理為過犯批上印帑

帥幕

安撫

安撫之權可以便宜行事如俗謂先施行後奏之類是也通轄一路之兵民若宰執出鎮或曰安撫大使若沿邊又有管內安撫謂只轄本州也

宣撫都督

侍從以上稱宣撫印、時安撫之義也執政以上則稱都督

節制

本朝兵制最為周密如節制之節所以使寄戍之軍服其權也若平時鎮江府武鋒軍駐楚州則其州守臣有統轄屯戍之燕歲

招討招撫

討者伐不道之臣撫者安故國之民

便宜

主將從權行事也謂之便宜黜陟

密詔

自唐已有此蓋事干大計不欲明示則必遣圖之

矯詔

一時從權以濟其謀也

檄書

彰彼之罪惡所以出師之由以感動人心期與天

下共誅之也

報捷

奏勝之書也詩云一月三捷

露布

誅討奏勝之書也

蠟彈

以帛寫機密事外用蠟固陷於股肱皮膜之間所以防在路之浮沉漏泄也

挑戰

兩陣既立各一將出鬪也

鏖戰

乘勇而進也故漢法以為盡死殺人曰鏖

巷戰

城市之內接戰也如李存孝候入長安之類

野戰

閱習驍銳也

劫寨

夜間攻其營壘謀其自亂然後以勁兵續之

貫寨

日間攻亂其營壘也

朝野類要卷第四

朝野類要卷第五

文昌趙升集錄

降免

遭章

臺諫入奏疏言其罪以請貶其人也

彈奏

言其公罪及閣門御史臺糾其失儀等事

合臺

自長官以下各入一奏以言人罪也

按劾

謂按其事而申上或執追其職

降授

降官者繫銜首帶此二字開禧征伐之際嘗有權

免軍官帶此之官

責授

責者不限降幾官之數徑指低階責授之

聽勅

在朝大臣或被臺章或先乞出則一面般出國門於寺觀中安泊以待命

南行

仕宦得罪而南行者蓋二廣多是瘴烟遠惡及水土惡弱之州縣江西亦或有之所以貶於其處也

削麻

本朝無誅大臣之典故大臣有罪亦多是先與官

觀然後臺諫上章得

旨批依別日又宣麻降之漸次行貶

居住

被責者凡云送甚州居住則輕於安置也

安置

安置之責若又重則羈管編管

勒停

編管以上則必除名勒停謂無官也故曰追毀出身以來文字

量移

該恩原赦則量移近裏州軍

逐便

既量移如又該恩則放令逐便

叙復

被責之久該恩叙復舊官者自有格法

退閑

宮祠

舊制有三京分司之官乃退閑之祿也神廟置宮觀之職以代之取漢之祠官祝釐之義雖曰提舉主管某宮觀實不往供職也故奏請者多以家貧指衆為辭降旨必曰依所乞差某處宮觀任便居住唯在京宮觀不許外居

自陳

因奏請得祠祿者將來尚可以復任職守若朝命與之則不佳也故優恩又有理作自陳之名也

岳廟

選人使臣則監岳廟及宮觀之次等也

引年致仕

古之大夫七十而致仕之例也古則皆還其官爵於君今則不然故謂之守本官致仕唯不任職也若雖未及七十但昏老不勝其致亦奏請之故曰引年

憂難

致仕

官員不祿先乞守本官致仕續奏身故者緣致仕合有蔭補恩澤也

遺表

太中大夫以上不祿者既奏致仕復上遺表則又有遺表恩例

草土臣

丁憂者既發喪居憂如具街只稱草土臣

駕幸臨奠

本朝禮例每大臣薨駕幸其府第臨奠之恩多是其子孫上表辭免之

勅葬

差中貴官監護喪事

宣葬

賜資財令辦葬事喪家多願宣葬蓋省費如勅葬也

丁憂

父母憂解官持服承重者亦同軍官兄之若餘親則有給式假法

謚法

自古有之所以定生前之德行每一字其義取用之端甚多本朝立法有雖無官而有德行者亦賜之皆有擬文一道太常博士撰吏部考功奏行之從吉

大祥畢禫服終踰月後吉謂改吉服也然後朝見或參選

餘紀

書鋪

凡舉子預試并仕宦到部叅堂應干節次文書並有書鋪承幹如學子之錢者自請舉至及第一併酬勞書鋪者

承受

仕宦在外任者自有專一承受幹當之人或是百

司係籍人或是門吏凡有大小事務為之了辦

陶鑄

宰相擢用仕宦謂之陶鑄者取造化之義向因留相家諱鑄遂易為陶鎔正如避寇相名祇書此准字也

宅引

宰執入堂前有朱衣乘騎對引若無常朝之日則自府第入堂治事謂之宅引入堂

告詞

有四六句者有直文者並書於告軸然侍從以上須是四六句行詞凡在內但是班朝百司雖迪功郎亦有之若外任須是京官通判以上則命詞也若節度使以上則又先次宣降麻制矣

用

侍從以上資格者官告皆有紫絲銀鐸鈴網袋貯之

望祀

如五岳四瀆之類則每歲皆降御名祝版衣之若其餘去處皆望祀之

車馬

官人出入其兵士呵喝車馬者蓋舊來只是乘坐車子也中興以來用肩輿亦喝車馬

揀班

班直等皆是三衙舊司指揮人兵及皇城司親事官揀中等之人充之如捧日揀過東三班天武揀過御龍直驍騎揀過騎御馬之類然本朝之制班

直不置隊伍若教習武藝臨期整辦旗號此最良法也

京畿將

京師舊有十將今第二將駐劄臨安府者緣昔日差出招捉寇盜因而屯此也

破白合尖

選人得初舉狀謂之破白末後一帑揆足謂之合尖如造塔上頂之意

過勘

在京開支請給等項經糧料院審計司過勘及關會太府寺方可支給其外路大軍錢糧自有分差糧審院施行

打視

庫務差遣人及投軍人須遠視目力喝其指數謂之打視防其目疾尔

輪筆

官員分以文字書押或以日或以長貳分而判押之謂

集注

左右選注闕集長貳廷坐而下列願注授之人高皆其闕而問之以授窠闕

期集

應舉士人欲共陳其利便則指定一所在會集諸人定議以申明之行都差注諸大寺院頭首亦集諸頭首相聚定議此人行檢保明申差亦謂之期集

同年鄉會

諸處士大夫同鄉曲并同路者共在朝及在三學相聚作會曰鄉會若同核及第聚會則曰同年會

先五世祖元教授和鄉府君嘗建湖隸義學一區於始祖深陽侯祠左藏書數萬卷以教里族之俊秀純雅士辰兵變蕩覆無遺惟藏書流落人間者僅見皆首書深陽湖隸史氏義學書籍十字以別之若是編朝野類要亦其一也迄今百八十年餘于澤猶新學得而捧誦之感鬼交集因重刻之庶幾存先世之餽羊云爾若夫興衰起廢以圖續承前烈則深有望於吾宗之傑然者焉弘治改元春三月望嗣孫進士學謹誌

朝野類要卷第五終

朝野類要後跋

先五世祖元教授和鄉府君嘗建湖隸義學一區於始祖深陽侯祠左藏書數萬卷以教里族之俊秀純雅士辰兵變蕩覆無遺惟藏書流落人

間者僅見皆首書深陽湖隸文史義學書籍十字以別之若是編朝

野類要亦其一也迄今百八十年餘于澤猶新學澤而捧誦之感愧交

集因重刻之庶幾存先世之餽羊云爾若夫興衰起廢以圖續承

前烈則深有望於吾宗之傑然者焉弘治改元春三月望嗣孫進

士學謹誌